



ELEKTROPRIJENOS BiH  
ЕЛЕКТРОПРЕНОС БИХ

Broj: JN-OP-146-09/17

Datum: 16.01.2018. godine

**PREDMET:** Pojašnjenje tenderske dokumentacije broj JN –OP-146/18

**VEZA:** Nabavka usluge održavanja higijene poslovnih prostorija i angažovanje zaposlenika za obavljanje pomoćnih poslova za potrebe Elektroprenos-a BiH a.d. Banja Luka OP Sarajevo

Sukladno članu 56. Stav 1. i 2. Zakona o javnim nabavkama BiH (Službeni glasnik BiH broj 39/17) dajemo slijedeća pojašnjenja

**Pitanje zaprimljeno pod brojem: JN-OP-146-07/17**

Uvidom u obavještenje o nabavci broj 1280-1-2-249-3-302/17 od 22.12.2017.godine te tendersku dokumentaciju za ugovore o javnoj nabavci usluga, Tender broj: JN-OP-146/17, za nabavku usluga održavanja higijene poslovnih prostorija u poslovno-tehničkoj zgradi TJ Sarajevo i u ul. Paromlinska br. 72 kao i angažovanje zaposlenika za obavljanje pomoćnih poslova, utvrdili smo da se ugovorni organ nije u potpunosti vodio odredbama Zakona o javnim nabavkama BiH (u daljem tekstu: ZJN) navedenih u članu 3.

U dijelu 14. TD, Tehnička i profesionalna sposobnost naveli ste da;pod b) raspolaže dovoljnim brojem članova osoblja, koji će biti angažovani na poslovima održavanja poslovnog objekta i to minimalno četiri spremačice i četiri fizička radnika., a u 14.2 Ocjena na osnovu kojih će se izvršiti tehnička i profesionalna sposobnost pod b) lista imena angažovanih lica, sa napomenom da će u slučaju dodjele ugovora, u punoj mjeri angažovati na realizaciji ugovorenih obaveza.

Smatramo da je Ugovorni organ na ovaj način povrijedio čl 3. ZJN, jer su zahtjevi koji su navedeni nisi jednaki prema svim kandidatima te su na taj način diskriminirajući.

Na ovaj način jedino kompanija koja sada trenutno isporučuje usluge je u povoljnom položaju i ista može da zadovolji tražene kriterije iz razloga što može da ima navedeni broj lica na spisku prijavljenih lica, dok ostale kompanije ne mogu prijavljivati lica prije nego što dobiju predmetni ugovor.

Takođe, član 48. ZJN stav (1) propisuje da Ugovorni organi mogu zavisno od vrste, količine ili obima ili namjene predmeta nabavke, zahtijevati dokaze koji se odnose na tehničku i profesionalnu sposobnost. Nejasno je zašto je Ugovorni organ u TD zahtijevao dokaz o dvostruko većem broju uposlenih, u odnosu na broj koji će biti u obavezi angažovati za realizaciju Ugovora. Ugovorni organ u ovom slučaju neopravdano podiže kvalifikacijske kriterije, zahtijevajući od ponuđača dvostruko više kvalifikacijske kriterije u odnosu na potrebne kapacitete za realizaciju Ugovora, a u skladu sa zahtjevima iz TD i Obrasca za cijene ponude.

Molimo za pojašnjenje zašto u Obrascu za cijenu ponude PRILOG 3, Svakodnevno održavanje higijene u Blažuju 650 m<sup>2</sup>, zahtijevate 8 sati dnevno prisustvo jedne higijeničarke, dok isto toliko sati tražite za Terensku jedinicu u Zenici koja ima 72-100m<sup>2</sup> - na osnovu navedenih podataka može se zaključiti da za 7x manji objekat ne treba isti broj sati na poslovima čišćenja.

Član 50. ZJN navodi da u postupku javne nabavke Ugovorni organ može zahtijevati jedan ili više dokaza o tehničkoj i profesionalnoj sposobnosti kandidata/ponuđača, i to pod: c) izjavu o angažiranom tehničkom osoblju, a za koje se ne može zahtijevati da su zaposleni kod kandidata/ponuđača

Molim Vas da ponovo preispitate tražene kriterije, te nam pojasnite tačnu formu Izjave na kojima će biti spisak uposlenika koji će biti angažovani na predmetnom ugovoru (kako urnek Izjave nije priložen u TD).

#### Odgovor na pitanje ponuđača:

U tenderskoj dokumentaciji Ugovorni organ je u skladu sa članom 50. ZJN BiH propisao dostavljanje dokaza o tehničkoj i profesionalnoj sposobnosti kandidata/ponuđača vodeći računa da osigura konkurentnost i transparentnost na način da osigura pravičnu i aktivnu konkurenciju.

S tim u vezi Ugovorni organ je u tenderskoj dokumentaciji pored ostalih naveo slijedeći uslov

*b) da raspolaže dovoljnim brojem članova osoblja, koji će biti angažovani na poslovima održavanja poslovnog objekta i to minimalno četiri (4) spremačice i četiri (4) fizička radnika.*

Ugovorni organ od potencijalnih ponuđača kao što je vidljivo traži da ima na **raspolaganju** dovoljan broj zaposlenika a ne stalno zaposlenih što je u skladu sa članom 50 ZJN BiH.

S obzirom da Ugovorni organ ima potrebu za stalnim angažovanjem **dvije spremačice i dva fizička radnika**, tražio je četiri spremačice i četiri fizička radnika isključivo kao zamjenu za uposlenike koji će biti povremeno odsutni ili spriječeni za rad (korištenje godišnjeg odmora, bolovanja.....), te je stav Ugovornog organa je da je propisani uslov minimalan da bi se mogla ocijeniti tehnička i profesionalna sposobnost kandidata/ponuđača za predmetni postupak nabavke.

Ugovorni organ štiteći svoje interese i uzimajući u obzir da je predviđeno zaključenje ugovora na dvije godine smatra da postavljeni kriterij nije diskriminirajući za potencijalne kandidate/ponuđače.

Ugovorni organ je pripremio tendersku dokumentaciju u skladu sa odredbama ZJN BiH i podzakonskim aktima. U tenderskoj dokumentaciji ugovorni organ je dao potpune informacije o uslovima ugovora i postupku dodjele ugovora, a koji su kandidatima/ponuđačima dovoljni za pripremu ponuda.

Obrazac za cijenu sadrži sve potrebne podatke propisane ZJN BiH, a Ugovorni organ je stava da potencijalnim kandidatima/ponuđačima ZJN BiH nije dao pravo da se upliću u poslovnu politiku ugovornih organa i utiču na način formiranja obrazaca za cijenu (prvenstveno se misli na količine), kada već sadrže sve potrebne podatke potrebne za formiranje jediničnih cijena i ukupnog iznosa.

Izjava o angažovanom osoblju iz tačke 14.1 treba da bude napisana na poslovnom memorandumu kandidata/ponuđača ovjerena potpisom ovlaštene osobe i pečatom te treba da sadrži listu imena angažovanih lica, sa napomenom da će ih u slučaju dodjele ugovora, u punoj mjeri angažovati na realizaciji ugovorenih obaveza.

Predsjednik Komisije

za javnu nabavku



Enisa Ražanica